

PROCESVERBAL

Nga Kuvendi i Tretë i Komunitetit Shqiptar të Gjenevës, i mbajtur me 10 maj 2015 në Gjenevë

Prezent, anëtarët e kryesisë: Ali Mehmeti, Arif Ejupi, Ajet Hyseni, Fadil Avdiya, Fadil Selmani, Nebi Hyseni, Nexhat Xhymshiti, Afërdita Krasniqi, Lutfi Rexha, Lah Jashari, Nasuf Nuhiu dhe Agim Sherifi.

Mungojnë, anëtarët e kryesisë: Avdyl Gërvalla dhe Endri Veshi
Po ashtu në sallë janë të pranishëm edhe rreth 40 persona tjerë, anëtarë të Komunitetit Shqiptar të Gjenevës.

Mbledhjen hapi kryetari i Komunitetit Shqiptar të Gjenevës (KShGj) z. Ali Mehmeti duke i përshëndetur të pranishmit dhe duke propozuar rendin e ditës që u ishte dërguar anëtarëve të KShGj-së tre javë përpara me postë klasike dhe me postë elektronike:

REND DITE

1. Aprovimi i procesverbalit nga Kuvendi i kaluar;
2. Paraqitja e raportit të punës për periudhën ndërmjet dy kuvendeve, diskutimi dhe aprovimi;
3. a) Paraqitja e Bilancit financiar për vitin 2014, diskutimi dhe aprovimi,
b) Paraqitja e raportit të verifikuesve të kontos për vitin 2014, diskutimi dhe aprovimi;
4. Zgjedhja dhe rizgjedhja e anëtarëve të Kryesisë së KShGj-së dhe zgjedhja e kryetarit;
5. Zgjedhja e verifikuesve të kontos për vitin 2015;
6. Përcaktimi i shoqatave të cilat e kanë të drejtën të delegojnë nga një anëtar në kryesinë e KShGj-ës, sipas nenit 16, pika g) të Statutit tonë;
7. Përcaktimi i lartësisë së anëtarësisë;
8. Të ndryshme;
9. Fjalë rasti nga të ftuarit.

Ky rend dite u aprovua njëzëri dhe u kalua në pikën e parë.

1. Aprovimi i procesverbalit nga Kuvendi i parë (themelues)

Procesverbali nga Kuvendi i Parë i është dërguar të gjithë anëtarëve të KShGj-së paraprakisht ashtu që kanë pas mundësinë ta lexojnë më herët. Nuk pati asnjë vërejtje, ashtu që PV u aprovua njëzëri.

2. Paraqitja e Raportit të punës, diskutimi dhe aprovimi

Raporti i punës përfshin periudhën ndërmjet dy kuvendeve, respektivisht nga 1 prilli 2014 gjer më 10 maj 2015. Të pranishmëve në sallë iu është dërguar paraprakisht me postë elektronike ashtu që kanë pasur mundësinë ta lexojnë më herët. Nuk pati asnjë vërejtje, ashtu që Raporti i punës u aprovua njëzëri.

3. Paraqitja e raportit financiar, diskutimi dhe aprovimi

a) Arkëtari, Nasuf Nuhiu, paraqiti Raportin financiar për vitin 2014. Anëtarëve të komunitetit i u është dërguar paraprakisht me postë ashtu që kanë pasur mundësinë ta shikojnë më herët. Nuk pati asnjë vërejtje dhe raporti u aprovua njëzëri.

b) Verifikuesit e kontos, të emëruar në Kuvendin e Dytë, Përparim Arifi dhe Ilir Sahiti, paraqitën raportin e tyre të shkruar dhe nënshkruar për vitin 2014. Ata konstatuan se raporti financiar është në përputhje me Statutin e shoqatës dhe ligjin, prandaj i propozuan Kuvendit ta aprovonjë. Raporti u aprovua njëzëri.

4. Zgjedhja dhe rizgjedhja e anëtarëve të Kryesisë së KShGj-së dhe zgjedhja e kryetarit,

Në krahasim me përbërjen e kaluar të kryesisë së KShGj disa nga anëtarët janë tërhequr për arsye të ndryshme (Nexhmedin Ilazi, Arif Ejupi, Avdyl Gërvalla dhe Endri Veshi). Kurse në këtë kuvend janë propozuar dhe zgjedhur anëtarët e rinj dhe këta janë: Hekrem Maliqi, Lulëzim Sejdiu, Diellza Shatri dhe Musah Halili. Pra, anëtarët aktual të kryesisë së KShGj-së janë:

1. Afërdita Krasniqi,
2. Agim Sherifi,
3. Ajet Hyseni,
4. Ali Mehmeti,
5. Diellza Shatri,
6. Fadil Avdija,
7. Fadil Selmani,
8. Hekrem Maliqi,
9. Lah Jashari,
10. Lulëzim Sejdiu,
11. Lutfi Rexha,
12. Musah Halili,
13. Nasuf Nuhiu,
14. Nebi Hiseni,
15. Nexhat Xhumshiti dhe
16. Skender Svarqa

Kurse për kryetar të KShGj-së u rizgjodh Ali Mehmeti edhe për një mandat dyvjeçar.

5. Zgjedhja e verifikuesve të kontos për vitin 2015

Për verifikues të kontos janë propozuar nga publiku z. Përparim Arifi, Ilir Sahiti dhe Rifat Haxhija. Propozimi u aprovua njëzëri.

6. Përcaktimi i shoqatave të cilat e kanë të drejtën të delegojnë nga një anëtar në kryesinë e KShGj-së

Nuk ka shoqata të reja për t'ia shtuar nga një anëtarë kryesisë së KShGj

7. Përcaktimi i lartësisë së anëtarësisë,

Edhe pse ka pasur diskutime dhe mendime të ndryshme, megjithatë u vendos me shumicë votash që anëtarësia të mbetet 100fr në vit për familje. Përjashtim bëjnë familjet që janë në asistencë sociale dhe studentët që janë në Gjenevë pa familje; anëtarësia për ata do të jetë 20fr në vit.

8. Të ndryshme

Ismet Kurteshi shprehi keqardhjen e tij që sot nuk janë të pranishëm më shumë anëtarë dhe përfaqësues nga shoqatat e ndryshme që tubojnë shqiptarët, sidomos nga Shoqata e studentëve shqiptar të Gjenevës.

Fadil Avdija shpreh mendimin se mundësisht në të ardhmen të angazhohet dikush që mund të jap këshilla të ndryshme për bashkatdhetarët tanë si për shembull t'ua plotësoj deklaratat e tatimeve.


Përparim Arifi shprehi gatishmërinë e tij që të plotësoj 10-20 deklarata të tilla gjatë vitit pa asnjë kompensim.

9. Fjalë rasti nga të ftuarit

Në kuvendin e sotshëm ishin të ftuar përfaqësuesit diplomatik të Shqipërisë dhe të Kosovës. Ambasadorët e Shqipërisë dhe të Kosovës z. Ilir Gjoni dhe z. Naim Malaj janë përgjigjur me shkrim duke kërkuar falje për mosprezencën e tyre. I pranishëm ishte Konsulli i përgjithshëm i Republikës së Kosovës në Gjenevë z. Ramadan Avdiu i cili mori fjalën.

Ai së pari përshëndeti të pranishmit. Pastaj falënderoi Komunitetin Shqiptar të Gjenevës për punën e dobishme që po bën; sidomos në ruajtjen e kulturës së origjinës. Ai theksoi se konsullata është e hapur për çfarëdo ndihme që mund t'i ofroi komunitetit.

Procesmbajtës, sekretar
Fadil Selmani



Kryetar
Ali Mehmeti

